



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm Vlt. Thomas.

[urn:nbn:de:hbz:466:1-62559](#)

sed priuilegium & gratiam dispensationis contra ius commune. At vero eiusmodi dispensatio cum odiosa sit, strictam interpretationem meretur, c. 1. & 2. de filijs presbyt. in 6. Consequenter ita intelligere debemus, ut sacerdotale officium, quod absque altaris ministerio permittitur, etiam Diaconi & Subdiaconi ministerium excludat. Arbitror tamen, quod Archiepiscopus Rauenthalensis, si ipsi visum fuisset, permettere homini potuisse, ut tanquam Diaconus ministret: eo quod Pontifex formant ac terminos dispensationis non omnino definierit, sed eius arbitrio reliquerit.

CAPITVLVM V.

Ex parte.

Qui ob periculum lepræ, Medicorum consilio, genitalia sibi abscondi curavit, irregularis non est. Ita etiam habetur in c. si quis à Medicis, 7. d. 55. & dictum est supra c. 3.

CAPITVLUM VI.

Exposuisti.

PARAPHRASIS.

Episcopus Militensis quendam in Abbatem promouit, quem postea intellexit manu sinistra carere. De ea re consultus Alex. III. respondit, eum esse ab officio dependum: tum quia ad ordines sacros cum tam enormi defectu promoueri non poterunt quia Episcopum fraudulenter decepit, defectum reticendo.

SUMMARIUM.

1. *Mutilatus manu, aut inutilem habens, ita ut celebrare Missam non possit, irregularis est.*
2. *Credibile tamen est, talem ab Episcopo dispensari posse ad Ordines. & beneficium simplex consequendum.*

NO TANDVM Vn. Qui manu altera caret, aut inutilem habet, ita ut Missam celebrare non possit, irregularis est, & ordinari non potest. Licet enim is, qui in sacer-

dotio absque propria culpa debilitatus, aut mutilatus est, alia officia sacerdotalia, praeter altaris ministerium, exercere possit, ordinari tamen non debet, si ob corporis defectum ad altaris ministerium, ac celebrationem Missarum inhabilis est: cum alij ordinum gradus, & ministeria habitudinem habeant ad sacrificium Missæ, tanquam finem & complemetum eorum, sicuti colligitur ex c. vlt. hoc tit. Credibile tamen est, Episcopum in tali casu dispensare posse ad ordines minores, & beneficium simplex consequendum, vti docet Vidualus de irregular. tit. de dispensat. Papæ reseruatis, n. 4. arg. c. 1. de filijs Presbyt. in 6. Obijci potest c. tuam, 10. de ætat. & qualit. vbi Abbas permittit irregularēm in Abbatem eligi, ea conditione, vt sacros ordines nunquam suscipiat. Respondeo cum Gloss. hīc. Id per dispensationem factum esse, propter necessitatem. Hic autem necessitas dispensandi non erat; nec persona dispensationem merebatur, quippe quæ defectum suum & irregularitatē in promotione significare debebat, vti dictum etiam fuit in c. innotuit, 20. de elect.

CAPITVLUM VLT.

Thomas.

PARAPHRASIS.

Iste Thomas dubitauit, an irregularis esset, & ad ordines suscipiendos inhabilis, quia casu quodam pollicis dextri vngulam amiserat. Respondit Honorius III. Deformitatem hanc non videri tantam, vt ab ordinibus repellendus sit: quare si nihilominus manus ad frangendam Hostiam potens existat, ordinari posse.

SUMMARIUM.

Carens vngula pollicis, ab ordinibus repellendus non est.

NO TANDVM Vn. In corporis defectu duo considerari debent, vt iudicari possit, num ab ordinibus impedit: An deformitas magna, seu notabilis sit: Et num ordinis exercitium, praesertim Missæ celebrationem impedit, iuxta ea quæ supra dicta sunt cap. 1. & penult.

Aaaa 3

TITV.